



Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt XVIII. Postulata Cæsaris, ac responsa Pontificis. Tres Legati pro
rebus Anglicis lecti.

urn:nbn:de:hbz:466:1-11665

à Concilio Tridentino sanctiones ipsius opere complecteretur: ita ostensum iri, incommoda loci, nauatae operæ fructu compensari. Hoc dato responso & moræ beneficium adepturum Pontificem, & vbi conditiones acciperentur, duo summi pretij commoda consequeturum; nimis, ut Cæfariani Bononiensem, & Germani Tridentinam Synodum legitimas agnoscerent. Addebat Ceruinus: Ad augendam Bononiensis Concilij dignitatem ac nomen, tria plurimum conductura: primum, si multorum Praefulum ipsi fieret accessio, quibus Cæfarianorum absentia compensaretur, Synodique maiestas auctior foret: alterum, si Pontifex, modò id valetudo permetteret, Bononiam veniret, menses aliquot ibi moraturus; cum id inter sit inter summum in terris luminum Principem, ac summum in Cælo, quod hic minora lumina difficit, ille congregat; quod si per senium haud ipsi liceret, futurum tamen usui, si per famam rumorem id futurum vulgaretur. Postremum, si, cum præcipua Fidei dogmata iam fuissent statuta, de reliquis id temporis non ageretur, ceu de re Cæfari minus grata, & vnicè daretur opera morum reparationi, ut ab eodem expetitur, & Christianis populis acceptissimæ; cum facilius inducerentur homines ad comprobandum ceu legitimum tribunal illud, cuius sanctionibus ceu salutibus gaudent.

C A P V T XVIII.

Postulata Cæfaris, ac responsa Pontificis. Tres Legati pro rebus Anglicis lecti.

Hec Ceruini confilia in tempore accepit Pontifex; qui non solum ea fecutus est, missis ad Synodum pluribus Episcopis doctrinâ præstantibus, suique futuri itineris famâ excitatâ, sed etiam ex eiusdem sententia datis ad Cæfaris postulata responsis. ^a Etenim cum delata Romam fuissent præferuidæ Caroli litteræ, ut Concilium priorem ad sedem regrederetur, responsa differre amplius haud licebat. Rei peractæ nuntios acceperat Cæsar quadruplo post, ^b decimo sexto videlicet Martij, nec nisi quatuor horas cunctatus, velocem cursum ad Ioannem Vegam suum Romæ Oratorem impulerat, ut omni conatu celerem Synodi redditum curaret; ratus tum dignitati suæ conuenientius, tum facilius regressui impetrando, si pateret, Tridenti rursum Synodum conspicere per eos primos dies, cum abiisse nondum videretur, nec Bononiae nouam agere personam cœpisset, nec præterea Pontifex auctoritate suâ

Pars II.

M

rem

^a Litteræ
Maffei ad
Ceruinum,
4. Maij
1547.
^b Ex litteris
ad Ceruinum
memoratis,
& ex Epist.
Farnesij ad
Verallum,
5. Aprilis
1547.

1547. rem confirmasset. Hæc tam festinata tabellarij missio impedimento fuit, ne per eumdem potuerit Nuntius litteras Romam mittere; adeoque pariter effecit, vt aliquanto tardius responsum reddebet Pontifex, præstolatus dies aliquot clariorem de Caroli sensis riotitiam ex sui ministri calamo, quām ex alieni voce. Peruenerant

e Diarium
Massarelli,
23. Martij.
d Ibidem
29. Martij.

tamen ad Legatos, quippe viciniores, Veralli litteræ viā consuetâ, quibus querelæ petitionesque Cæsaris exponebantur: ^d nec ab illis dilata responsa, & vtrarumque litterarum exempla Romam transmissa. Interea in Romanis conuentibus ad res Concilij destinatis tametsi variarent sententiae de rebus iam gestis, conuenerunt tamen de agendis in posterum. Moronus translationem commen-

dauit, eamque Dei potius quām hominum opus prædicabat; cum enim Legati recto studio, probabili causâ, & ritu legitimo rem peregrissent, opportunum non esse eam perpendere, sed tueri. Quapropter cū Vega, rogatus ut scripto traderet adductas à Cæsare causas pro reponendo Tridenti Concilio, illas non nisi voce summatim exponeret, ^e remisso antequam responderetur ad Cæsarēm tabellario; decretum est, vt alter ad Nuntium tabellarius mitteretur die quinto Aprilis, datis litteris in eam quam subiiciens

e Totum ex-
stat in Epi-
ftola Farnesij
ad Verallum,
5. Aprilis
1547.

sententiam, quibus studebat & mentem Cæsari deuincire, & voluntatem mulcere. Addebatur, hæc fuisse à Vega proposita: Displacuisse Cæsari Concilij migrationem, vtpote se inconsulto habitam, & non leui detimento futuram expeditionis progressibus, Religionisque concordia in Germania: Synodi securitatem ad Cæsarēm tamquam Ecclesiæ Patronum pertinere; hanc verò, dum ea Bononiæ degeret, à se præstari non posse.

Erat ad primum responso: Peractum id pariter Pontifice inciso: euenta inopinata & vrgentia ita ferre: Páulum etiam ægrè tulisse, non absolutam Tridenti Synodum, vbi eam adeò fructuose progre- di experiebatur, tum Fidei dogmatis, tum disciplinæ legibus magna ex parte sanctitis. Quæ illata expeditioni incommoda tamquam certa ponebantur, haud eiusmodi videri, ob causas à Legatis Verallo præscriptas. Quod si Cæsar ea incommoda vera esse perspiceret, sperati, eum pro sua prudentia æqui bonique consulentem id quod Diuinâ voluntate contigerat, virtute ac studio Religionis quâ pollebat, huiusmodi damna reparaturum; præsertim verò subiecturum Ecclesiæ partem illam Germaniæ, quam Deus ipsi iam subiecerat. Offerre Pontificem & suo & Concilij nomine quidquid huic operi conduceret, & à Cæsare proponeretur. Cùm Synodus sponte suâ Tridento discessisset, & per suffragia supra duas tertias partes; si nunc

1547.

nunc inuita illic poneretur, perinde futurum fuisse, ac si ipsi auctoritas tum in rebus gestis tum in agendis detraheretur, eademque ea libertate spoliaretur, quam illi Pontifex illibatam seruauerat vel in iis quæ sibi incommodum peperissent, suamque Aulam reformassent. Præterquam quod per eas temporis conditiones id nullo pacto effici posset, dum adhuc moribus grassabatur, quo nuper alter ex Asturiensis familia oppressus obierat, alter ex comitatu Portuensis, qui propter eam confessim inde discesserat. Verumtamen vbi Synodus eò regredi pro sua libertate decerneret, vel aliò commigrare, Pontificem consensum, coque libentiis quod id Cæsari gratum fore intelligebat. Sed ad hoc ipsum peragendum, opus in primis esse, ut ibi Synodus integra coalesceret, vbi legitime translata fuerat; eodemque Patres, qui Tridenti substiterant, se conferrent: ab his verò quæ propositis à Cæsare rationibus, quæ propriâ ipso-rum auctoritate, fortassis vñà secum collegas pertractum iri; sed reuerà, si sincere loquendum esset, demandatum illis fuisse, pro eo ac ferebatur, ne Tridento decederent, quod rationi haud consentaneum videbatur; ostendebatque eos Patres, eamque urbem libertate non frui. Bononiæ sedem minimè reiiciendam ceu suspectam, cùm inusitatum non fuerit, sèpiùs Romæ fuisse celebrata Concilia, & prætereà vrbis illa ditionibus Cæsari studiosis vndique cingetur, & pro ciuium humanitate plurimum ibi commodi expectandum esse. Quin vbi Cæsar id è Republica duceret, sperari posse & ipsum & Pontificem eò conuenturos ad confirmanda quæ Synodus euertendæ hæresi, & Ecclesiæ confirmandæ utilia statuisset. Quod Cæsar affirmabat, sui esse muneric tutari Concilium, intelligendum esse, vbi necessitas cogeret, Patresque id exigenter; quod tunc minimè contingebat, præfertim cùm Paulus in medio semper persistisset, communis parentis munere constanter perfunditus, vnde nulli nationum de Pontifice ac Pontificiis vrbibus sufficio inesse poterat. Cæsarem demum oraret Nuntius, ut fidem abrogaret malevolentium suspiris, qui cuperent in dubium reuocare Pontificis benevolentiam, tot publicis priuatisque nexibus obstrictam Cæsari, sibique persuaderet, si quando alicui Cæsaris postulato minus indulgeret Pontifex, id vel ex necessitate ob inopiam virium, vel ex Religione ob animi persuasionem, non ex voluntate ob amoris defectum oriri.

³ Sub idem tempus Legatus ad Cæsarem destinatur, cuius missio multò antè in Senatu Vaticano 25. Februarij decreta fuerat: ^f sed ^{in Epist. Mat-} ^{unum,} ^{ad Cer-} ad rem aliam pertractandam, vt nimirum Angliæ reconciliatio post 25. Februar.

M 2

Hen. 1547.

^f In Actis
Confistor. &
^{in Epist. Mat-}

1547.

Henrici Octavi mortem quereretur. Tres itaque ob eam causam designati: ad Carolum Franciscus Cardinalis Sfondratus, illi subditus atque intimus: ad Regem Galliæ Hieronymus Cardinalis Capiteferreus, eidem pariter Regi gratiosus, apud quem Nuntium gesserat: & in Angliam tertius, nominandus à Pontifice (qui in animo suo Polum statuerat) pro eo ac illi regno opportunum animaduerteret. Incidere postea Francisci Regis obitus, & Concilij translatio, cuius nec inscius obiit Rex, nec 21. Martij, sicut narrat Suavis; sed incertus animi illam probaret necne, & 31. illius mensis occubuit. Quare perstitit quidem de Legatis mittendis sententia, sed alia ipsis præscripta sunt. Iussus est primo loco Capiteferreus ^b Pontificis tristitiam Regi ex patris obitu significare, a sumptuam Regni Coronam gratulari, & ad pacem cum Cæsare in eundam eum cohortari; sed acrius conniti, vt illius animum nondum occupatum sibi conciliaret. In iunctum rursus Sfondrato, vt adiret Germaniam, nomine quidem eamdem pacem cum Rege novo Galliæ promoturus, sed reipsa potius concordiam cum Pontifice in rebus Concilij curaturus. Ne tamen Legati dignitas minus honestæ repulsa obiiceretur, dum Cæsar's ira feruebat, iussus est lento gradu procedere. Interim vero peculiaris epistola super ea re ad Nuntium missa, adiectis mandatis, vt eam Carolo legeret, & ab eius responsis eliceret, an esset admissurus Legatum: cum in comperto sit, quodcumque medicamentum, quamuis per se conducibile, vbi reiiciatur à stomacho, non ægro mederi, sed morbum exasperare.

C A P V T X I X.

*Indignatio Cæsaris ob repulsam, eiusque iratus cum Verallo
Nuntio colloquium.*

^a Extant
omnia in e-
pistola Ve-
ralli ad Far-
nesium,
14. Aprilis
1547. que
est in volu-
mine Archi-
vij Vaticani.

Vlmæ degebat Nuntius ^a apud Cæsarem, cùm hæc mandata Pontificis ipsi delata: quare illum confessim adiit, coramque priorem epistolam recitauit. Gliscebat in dies grauior indignatio Caroli ob Concilij translationem, quod à nonnullis etiam Madruccio imputabatur, qui post Patrum discessum, seu vocatus seu sponte suâ, dispositis mutatisque equis cursoribus ad Cæsaream Aulam conuolarat; atque, prout hominum iudicia in peius feruntur, & unusquisque creditur ad ea summa aspirare quæ afferri possit, non defuit qui suspicaretur, permolestam illi accidisse Synodi migrationem, quod futurum speraret, vt si Sedes vacasset,